

歷代職官表

冊
三

欽定歷代職官表卷三十九

內務府上駟院表

[illegible]

左司員外郎									
下庾下牧 士人土師									
大廩	未央	家馬	五丞	龍馬	閑駒	臺泉	駟駘	丞華	六廩
大廩	未央	家馬	五丞	龍馬	閑駒	臺泉	駟駘	丞華	六廩
長樂	廩丞								
</									

右司員外郎右司主事

國師

國師

右龍
署令
右龍
署令
右廡
中士
署令
右龍
署令
右閑
奉御

右龍
署令
右廡
下士
署丞
右龍
署丞
奉乘

右天
駟監
官
右天
廡坊
監官

珍傲宋版印

長	鞍	司衛	侍	駟	上
		下馭 士夫			下趣中馭 士馬士夫
					三家未大 尉馬央廐
		長承署驂 直奉驪		都局右局左御署驂 尉龍龍奉驪	
		長局尙 直乘 直長			御局尙 奉乘
		庫鞍 官轡			
		直長			
		寺尙 乘			
					奉御

廐長牧副長牧古醫頭目

圉人師

巫馬士

卒騶吏員

閑長

獸醫

上下監官

習馬掌廐
小底都轄
副轄

司牧局使

內務府上駟院

國朝官制

上駟院兼管事務大臣無定員卿二人

正三品由侍衛補授一人由內務府司官補授一人

掌總理

御廄事務供直扈從應用諸馬政皆總司之及廄屬官員選除賞罰之事初名御馬監順治十八年改爲阿敦衙門以大臣侍衛等官管理無定員康熙十六年改爲上駟院三十三年額設堂官一人雍正六年定爲三品卿職乾隆十四年定爲卿二人所主有

上乘御馬一廄

皇子乘馬一廄

南苑御馬六廄

御騾二廄小馬一廄駑馬六廄

儀仗馬一廄又有大淩河牧羣上都達布遜諾爾達里岡崖牧羣各設有總

管翼領牧長牧副等員皆歸上駟院統轄

堂郎中一人主事二人委署主事一人左司右司員外郎各二人主事各一人委署主事各一人筆帖式二十二人

堂郎中主事掌辦理揀選補放及稽查馬匹錢糧文移檔案等事左司員外郎主事掌內外羣廢游牧處馬駝數目及定議賞罰之事右司員外郎主事掌員役俸廩馬駝草豆稽核奏銷之事康熙十六年設員外郎四人主事一人二十四年設郎中一人增設員外郎二人三十三年分爲左右二司增設主事三人三十八年裁員外郎二人五十九年設委署主事三人雍正元年增一人尋裁乾隆二十二年仍設委署主事三人筆帖式康熙十六年以來陸續增置

上駟侍衛二十一人司鞍長三人

六品職銜

廄長十七人牧長五人副牧長五人牧

廄副四十五人蒙古醫生頭目三人

六品職銜

上駟侍衛掌演習御馬廄長等官掌時其芻牧謹其出入以聽堂司之政

令康熙三十三年設辦理堂務上駟侍衛四人辦理二司事務各二人後增設七人乾隆二年增設六人廐長牧長以下康熙十六年以來陸續增置

歷代建置

三代

〔周禮夏官〕校人中大夫二人上士四人下士十有六人府四人史八人胥八人徒八十人掌王馬之政辨六馬之屬種馬一物戎馬一物齊馬一物道馬一物田馬一物駑馬一物凡頒良馬而養乘之乘馬一師四圉三乘爲皐皐一趣馬三皐爲馵馵一馵夫六馵爲廐廐一僕夫六廐成校校有左右駑馬三良馬之數麗馬一圉八麗一師八師一趣馬八趣馬一馵夫天子十有二閑馬六種○趣馬下士皐一人徒四人掌贊正良馬而齊其飲食簡其六節○牧師下士四人胥四人徒四十人掌牧地皆有厲禁而頒之○庾人下士閑二人史二人徒二十人掌十有二閑之政教以皐

馬佚特教駢攻駒○圉師乘一人徒二人掌教圉人牧馬○圉人良馬匹一人驚馬麗一人掌養馬芻牧之事○馬質中士二人府一人史二人賈四人徒八人掌質馬○巫馬下士二人醫四人府一人史二人賈二人掌養疾馬而乘治之相醫而藥攻馬疾受財于校人○馭夫中士二十人下士四十人掌分公馬而駕治之

〔注〕乘調六種之馬

〔春秋左氏昭七年傳〕馬有圉牛有牧

〔鄭康成周禮注〕趣馬下士馭夫中士則僕人上士也〔賈公彥疏〕序官無僕夫士數之文以此文官尊者馭卑者馭夫既中士則僕夫上士可知謹案成周馬政掌於夏官司馬自校人以下各司厥職曰掌王馬之政曰掌十有二閑之政教蓋惟天子供御之馬以校人諸官掌之故鄭注以王路駕種馬戎路駕戎馬金路駕齊馬象路駕道馬田路駕田馬駑馬給宮中之役六馬之屬皆以天閑所牧養者爲職其他行軍田役所需之馬則有邱甸出車之法掌自司徒而不爲校人以下之所隸屬是

校人諸官正今上駟院之職掌也通典諸書序馬官沿革校人諸職繫之太僕寺則以漢唐太僕皆兼主御馬因聯而及之今故以校人之職與太僕寺篇互見而證明其爲天閑之職掌者如此至馭夫掌馭應入鑾儀衛篇以其兼掌乘調六馬實與今之上駟侍衛相近而校人職中亦有馭一馭夫之文是又爲馬政之屬官故亦從附見焉

秦

謹案通典稱秦官有太僕正太僕丞而後世之尙乘局自秦以來其職皆在太僕是御馬之職秦時必以太僕主之但其先汧渭牧馬見於史記駟職騏驎詠于風詩而一代官制則史傳闕如略無可考故僅能指溯其大概而不可復詳焉

漢

〔漢書百官公卿表〕太僕屬官有大廐未央家馬三令各五丞一尉

師古曰家

馬者主供天子私用非大祀戎事軍國所須故謂之家馬也

又龍馬閑駒橐泉駒駼承華五監長丞

如淳

曰橐泉殿在橐泉宮下中太僕掌皇太后輿馬不常置也武帝太初元年更名家馬

爲桐馬應劭曰主乳馬取其汁桐治之味酢可飲因以名官也

〔漢書傳介子列傳〕介子以駿馬監求使大宛

〔王應麟玉海〕武帝以嚴安爲騎馬令主天子之騎馬傳介子爲駿馬監

金日磾拜馬監

〔三輔黃圖〕路軫殿在未央宮掌宮中輿馬亦曰未央殿漢書曰武帝時

期門郎上官桀遷爲未央殿令

謹案漢舊儀未央與路軫爲天子六殿之二則路軫殿非卽未央殿可

知三輔黃圖謂路軫殿亦曰未央殿似合而爲一豈因路軫殿在未央

宮遂得通名歟

〔三輔黃圖〕未央大殿在長安故城中漢官儀曰未央宮六殿長樂承華

等殿令皆秩六百石翠華殿大輅殿果馬殿騎馬殿大宛殿軌梁殿胡河

殿駟騶殿皆在長安城外霸昌觀馬殿在長安城外都殿天子車馬所在

中殿皇后車馬所在

〔謹案漢舊儀〕天子六殿未央承華駟騶騎馬輅輦大殿百官公卿表有家馬龍馬閑駒橐泉等名而三輔黃圖又載有翠華殿大輅殿果馬殿大宛殿軌梁殿胡河殿霸昌觀馬殿爲漢儀漢表所不及載可以補漢制之闕

〔玉海〕中殿令祕彭祖爲之

漢書百官公卿表水衡都尉屬官有技巧六殿令丞成帝建始二年省技巧六殿官

〔顏師古漢書注〕漢舊儀云天子六殿未央承華駟騶騎馬輅輦大殿也馬皆萬匹據此表太僕屬官已有大殿未央輅輦騎馬駟騶承華而水衡又云六殿技巧官是則技巧之徒供六殿者其官別屬水衡

〔劉攽漢書刊誤〕表敘水衡九屬官技巧六殿各一物也後省技巧六殿顏遂謂此都是一官非矣蓋上林自有六殿一令丞主之後六殿等各別

有官非此六廢也

謹案漢御馬掌于太僕其屬官如諸牧苑令丞牧橐令丞等分主國馬
別見于太僕寺表至如大廢未央騎馬閑駒等令丞則皆以御馬爲職
是正今日上駟院之比而駿馬監騎馬令中太僕等官皆親近宮禁之
職掌也惟史言六廢馬皆萬匹武帝承文景蓄積海內殷富廢馬有四
十萬匹因發數十萬騎追擊匈奴則六廢之馬亦並以供行軍之用蓋
其時國馬御馬總掌其成于太僕爲職不分故聯而及之也橐泉廢之
在橐泉宮下大廢未央等六廢之主于水衡蓋各以其廢地牧地之所
在屬之而其制又可考見矣顏師古以水衡之技巧六廢爲一官謂以
技巧供六廢則如後世象馬舞馬之比劉攽以水衡別有六廢令丞非
卽太僕之六廢則技巧與廢令兩不相屬視顏義尤爲諦審焉

〔後漢書百官志〕未央廢令一人六百石本注曰主乘輿及廢中諸馬

漢官

曰員吏七十人卒騶二十人

長樂廢丞一人

漢官曰員吏十五人卒騶二十人百藉苑官田所一人守之

舊有六廢

皆六百石令中興省約但置一廄後置左駿廄別主乘輿御馬後或併省
〔袁宏後漢紀〕靈帝初置駃騠廄丞領受郡國調馬而豪右辜擢馬一匹
至二百萬

謹案後漢百官志但載未央長樂二廄名而駃騠廄之置丞獨見於此

〔古今注〕漢安元年七月置承華廄令秩六百后

玉海引此今本
古今注無之

謹案順帝紀漢安元年置承華廄東觀記曰時以遠近獻馬衆多圉廄
充滿始置承華廄東京賦云駙承華之蒲捎注廄名卽謂此也但攷張
衡傳衡卒于永和四年下距漢安元年凡四年衡東京賦內已有承華
之名則承華廄之設當在漢安元年之前矣順帝紀謂漢安元年始置
承華廄豈舊有此廄至漢安元年始更新之而因以置令乎

〔杜佑通典〕東京有未央廄令掌乘輿及宮中之馬

謹案東漢裁六廄止存未央長樂一令一丞而左駿廄令或置或併蓋
自光武卻駿馬以駕鼓車而廄置日省故主乘輿御馬之職其可考見

者止此其隸于太僕則與西漢並同至通典言未央廄令并主宮中之馬則中廄太僕亦其所兼掌矣

三國

〔魏都賦〕冀馬填廄而駟駿〔注〕鄴城西下有乘黃廄

〔通典〕魏官第九品總章戲馬監

〔唐六典〕漢未央令魏改爲乘黃廄乘黃古之神馬因以爲名

〔通典〕漢有未央廄令魏改爲驊騮廄

謹案魏改東漢之未央廄令爲乘黃署爲驊騮廄乘黃以神馬爲名實兼主乘輿車輅故互見于鑾儀衛篇驊騮廄爲後代龍廄內廄之所自始而晉宋以後遂分屬門下省則正上駟院之職也總章戲馬監不詳職掌要爲親近供御之馬矣

晉

〔晉書職官志〕太僕統乘黃廄驊騮廄龍馬廄等令自元帝渡江之後或